

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 29. sjednici, održanoj dana 26.07.2023. godine, d o n o s i

ZAKLJUČAK
o davanju saglasnosti na Izjašnjenje Ministarstva unutrašnjih poslova
Zeničko-dobojskog kantona na akt Institucije
ombudsmena/ombudsmana za ljudska prava Bosne i Hercegovine

I.

Daje se saglasnost na Izjašnjenje Ministarstva unutrašnjih poslova Zeničko-dobojskog kantona, broj: 08-01-02/2-30-3-1951-3/23 od 24.07.2023. godine, Instituciji ombudsmena/ombudsmana za ljudska prava Bosne i Hercegovine, broj predmeta: Ž-SA-05-642/23 od 11.07.2023. godine, koje čini sastavni dio ovog zaključka.

II.

Za dostavljanje izjašnjenja Instituciji ombudsmena/ombudsmana za ljudska prava Bosne i Hercegovine, zadužuje se Stručna služba Vlade Zeničko-dobojskog kantona.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 26.07.2023. godine
Z e n i c a

DOSTAVLJENO

1x Ministarstvo unutrašnjih poslova,
1x premijer Zeničko-dobojskog kantona,
1x Stručna služba Vlade,
1x Instituciji ombudsmena/ombudsmana za ljudska prava
Bosne i Hercegovine, putem Stručne službe Vlade,
1x a/a.



Broj: 08-01-02/2-30-3-1951-3/23

Datum: 24.07.2023.godine

ZENIČKO-DOBOJSKI KANTON
VLADA ZENIČKO-DOBOJSKOG KANTONA

n/r PREMIJERA
n/r SEKRETARA

PREDMET: Akt Institucije ombudsmena/ombudsmana za ljudska prava BiH,
žalba Šišić Rusmira, izjašnjenje, dostavlja se,-

Povodom žalbe Šišić Rusmira podnesene Instituciji ombudsmena/ombudsmana za ljudska prava BiH, broj predmeta: Ž-SA-05-642/23 od 11.07.2023.godine, a na zahtjev Stručne službe Vlade Zeničko-dobojskog kantona od 20.07.2023.godine, Ministarstvo unutrašnjih poslova Zeničko-dobojskog kantona, dostavlja:

I Z J A Š N J E N J E

Prije svega, ističemo da je ovo Ministarstvo u postupku donošenja Zakona o izmjenama i dopuni Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 8/23), postupalo u skladu sa procedurom propisanom Poslovnikom Skupštine Zeničko-dobojskog kantona i Poslovnikom o radu Vlade Zeničko-dobojskog kantona, i dostavilo Vladi Zeničko-dobojskog kantona svoje mišljenje na prijedlog Zakona, te napominjemo da ovo Ministarstvo nije bilo predlagač ni obrađivač istog.

Provođenje procedure izbora, praćenja rada policijskog komesara i ocjenjivanja rada policijskog komesara je izvorna nadležnost Nezavisnog odbora, koji je skupštinsko tijelo izabrano od strane Skupštine Zeničko-dobojskog kantona.

Prema Zakonu o unutrašnjim poslovima Zeničko-dobojskog kantona, razrješenje policijskog komesara moguće je izvršiti na dva načina, prvi, na prijedlog ministra shodno članu 43. Zakona kojim je propisano da "Ministar može podnijeti inicijativu za razrješenje policijskog komesara kada se raspolaže dokazima da policijski komesar ne izvršava poslove iz člana 22. stav (1) tačke b) i p) ovog zakona.", i drugi, na prijedlog Nezavisnog odbora shodno članu 42. Zakona.

Isključiva je nadležnost Nezavisnog odbora primjenjivanje odredbi člana 42. Zakona, te pokretanje procedura propisanih navedenim članom, a odluku po prijedlogu Nezavisnog odbora donosi Vlada Zeničko-dobojskog kantona.

Skupština Zeničko-dobojskog kantona, kao zakonodavno tijelo, ima nadležnost da uređuje društvene odnose i ocjenjuje cjelishodnost zakonodavne politike, koja se ogleda u donošenju konkretnih zakona, i u tom cilju je donesen Zakon o izmjenama i dopuni Zakona o unutrašnjim poslovima Zeničko-dobojskog kantona, kojim je ponovo propisan kao uslov za kandidata za policijskog komesara, samo čin glavni inspektor.

Napominjemo da je, od zakonskog normiranja instituta policijskog komesara, kao jedan od uslova za imenovanje bilo propisano da kandidat posjeduje dodijeljeni čin glavni inspektor, sve do posljednjih izmjena Zakona o unutrašnjim poslovima Zeničko-dobojskog kantona od 2021.godine ("Službene novine Zeničko-dobojskog kantona", broj:10/21), kada je propisano da pored čina glavni inspektor, kandidat za policijskog komesara može imati i čin samostalnog inspektora.

Čin generalni inspektor policije stiče isključivo policijski službenik koji je imenovan za policijskog komesara, dodjeljuje ga i oduzima kao mandatni čin Vlada Zeničko-dobojskog kantona, a policijski službenik se vraća u čin koji je imao prije imenovanja i raspoređuje na radno mjesto sa činom koji je imao prije imenovanja, odnosno ostvaruje sva prava iz radnog odnosa.

Nakon stupanja na snagu Zakona o izmjenama i dopuni Zakona o unutrašnjim poslovima Zeničko-dobojskog kantona, ovom Ministarstvu dostavljen je Prijedlog Nezavisnog odbora Skupštine Zeničko-dobojskog kantona, za razrješenje Policijskog komesara Uprave policije Ministarstva unutrašnjih poslova Zeničko-dobojskog kantona, Šišić Rusmira.

Član 42. stav (1) tačke g) Zakona, propisuje nadležnost Nezavisnog odbora, koji direktno primjenjuje odredbe tog člana i u kojem su propisani slučajevi kada Nezavisni odbor podnosi prijedlog za razrješenje policijskog komesara Vladi Kantona, putem Ministarstva i koji je, kako sam naziv kaže Nezavisan odbor, tako da Ministarstvo nema uticaja na rad istog, niti ima zakonske ovlasti da daje upute na koji način i kako da Nezavisni odbor primjenjuje odredbe člana 42. Zakona.

Prema tome, iz svega navedenog jasnim se ukazuje da su Zakon koji je donesen i koji je stupio na snagu, kao i svaki drugi zakon, Vlada Kantona, Nezavisni odbor i ovo Ministarstvo, dužni izvršavati i primjenjivati i nijedan organ nema diskreciona ovlaštenja da odlučuje koje će zakonske odredbe primjenjivati a koje neće, u konkretnom slučaju, sve do donošenja odluke Ustavnog suda FBiH, koji je jedini nadležan za ocjenu ustavnosti predmetne odredbe Zakona o izmjenama i dopuni Zakona o unutrašnjim poslovima Zeničko-dobojskog kantona

S poštovanjem,

DOSTAVITI:

1. Naslovu x2
2. a/a x1

MINISTAR

Benjamin Sinanović